



„ქართული გენია როკით განუენილი“


საქართველოს ჟურნალისტთა ასოციაცია

ბაგოძის 1992 წლის იანვრიდან

№4 [32], ოქტომბერი, 2011 წელი

საქართველოს ჟურნალისტთა ასოციაციის მოღვაწეთა შემოქმედებითი კავშირი

ფრიდონ სულაბერიძე 70 წლისაა!



საქართველოს
ჟურნალისტთა
მოღვაწეთა
შემოქმედებითი
კავშირი
ულორავს
საუკუნის
ლეგენდარულ
მოწეკვავეს
ფრიდონ
სულაბერიძეს
დაბადებიდან
70 წლისთავს,
უსურვეს
ღღერძელობას,
მზერძელობას
და ახალ-ახალ
შემოქმედებით
წარმატებებს
მთელი
ქართული
კულტურის
საკეთილდღეოდ.

ფრიდონ სულაბერიძის
იუბილისადმი მიძღვნილი
სპეციალური ჩანართი
იხილეთ
მე-5-6 გვერდებზე

საქართველოს პრეზიდენტს, ბატონ მიხეილ სააკაშვილს



თქვენო აღმატებულება, ბატონო პრეზიდენტო!
მოგმართავთ საქართველოს ქორეოგრაფიის მოღვაწეთა შემოქმედებითი კავშირის სახელით. კავშირისა, რომელშიც გაერთიანებულია უნიკალური ქართული ხალხური ცეკვების დამდგმელი ქორეოგრაფების, ქორეოლოგებისა და შემსრულებელ მოცეკვავეთა როგორც ძველი, ისე ახალი თაობის ასობით ღვაწლმოსილი და დამსახურებული პიროვნება (თუ საბავშვო ქორეოგრაფიასაც გავითვალისწინებთ მათი რაოდენობა ათეულ ათასებსაც კი გადააჭარბებს).

განსაკუთრებულ მადლიერებას გამოვხატავთ იმ დაუღალავი ზრუნვისა და ამაგისათვის, რომელსაც თქვენ იჩენთ ქართული ფოლკლორის ასაღორძინებლად და აღმავლობის გზაზე დასაყენებლად. ამისი დასტურია საქართველოს ფოლკლორის სახელმწიფო ცენტრის დაფუძნება, მრავალრიცხოვანი ფოლკლორული ფესტივალები და საღამოები, რადიო და ტელეგადაცემები, თვალსაჩინო ხელოვანთა შემოქმედებითი საღამოები, იუბილეები, ყოველწლიური ფესტივალი „ჩვენებურები“ და მრავალი სხვა.

მადლიერები ვართ, ასევე, იმ დიდი საჩუქრისათვის, რომელიც თქვენ, ბატონო პრეზიდენტო, გავციკეთე ჩვენ და სრულიად საქართველოს ქორეოგრაფიულ კოლექტივებს, ეროვნული სასცენო სამოსის შესაკერად გაღებული თანხით თქვენ რამდენიმე ათასი ბავშვის, მოზარდის, მხატვრული შემოქმედების მონაწილის თუ პროფესიონალი მოცეკვავის გული გაახარეთ. ჩვენ ყოველთვის გვქონდა და გვაქვს თქვენი თანადგომის იმედი.

ძირძველი, უნიკალური და განუმეორებელი საცეკვაო ფოლკლორი, ჩვენი დიდი ეროვნული განძი, რომელიც, ბევრი უთვალსაჩინოესი მოღვაწის აღიარებით, „მსოფლიოს მერვე საოცრებას“ წარმოადგენს, დღეს მთელი სამყაროს ყურადღების ცენტრშია მოქცეული. მის გასაცნობად ყოველწლიურად სულ უფრო და უფრო მეტი ხელოვანი ჩამოდის მსოფლიოს სხვადასხვა ქვეყნიდან. ბუნებრივია, ისინი ცდილობენ ჩვენთან დაკავშირებას, რადგან სამსახურებრივად მისი მოვლა-პატრონობა და პროპაგანდა ჩვენ გვევალება, მაგრამ ვერ გვპოულობენ იმ მარტივი მიზეზის გამო, რომ საქართველოს ქორეოგრაფიის მოღვაწეთა შემოქმედებით კავშირს თავისი ოფისი არა აქვს როგორც კავშირის შინაური და უცხოელი სტუმრების მისაღებად, ასევე ნორმალური მუშაობისათვის. არადა, კავშირს უამრავი საქმე აქვს გასაკეთებელი, თუნდაც, ქორეოგრაფიის თეორიული საფუძვლების, მეთოდური რეკომენდაციების, რეპერტუარის დახვეწის, საშემსრულებლო ხელოვნების ამაღლების, უცხოეთში საგასტროლოდ გამსვლელ ანსამბლთა (მათ შორის, საბავშვო, მოზარდთა და სტუდენტთა) ობიექტური შერჩევის, ქორეოგრაფთა ახალი თაობების აღზრდის და ა.შ. მიმართულებით.

გთხოვთ, გაითვალისწინოთ ჩვენი არაორდინალური სიტუაცია და დაავალოთ სათანადო ორგანიზაციებს, რომ მათ გამონახონ და გამოგვიყონ შესაბამისი ფართი კავშირის ნორმალური ფუნქციონირებისათვის, ყველა იმ მიზნისა და ამოცანის განსახორციელებლად, რომლებიც კავშირის მეხუთე ყრილობამ დაგვავალა ამ კავშირის ახლადარჩეულ ხელმძღვანელობას. გპირდებით, რომ საკითხის დადებითი გადაწყვეტა ჩვენი საქმიანობის ახალ, მძლავრ იმპულსად იქცევა.

იმედი გვაქვს თქვენი თანადგომისა და მხარდაჭერისა.

**გულწრფელი პატივისცემით,
ლაშვი (რეზო) ჭანიშვილი -
კავშირის თავმჯდომარე, პროფესორი.**

თვალსაზრისი ქართული ტანის საგნობრივი პროგრამის რეალობა

საქართველოს საჯარო სკოლებში ქართული ცეკვის საგნობრივი სწავლების შემოღება ცხოვრების მოთხოვნილებებმა განაპირობეს.
ჩვენმა ხალხმა, საზოგადოებრივად, გულითადად აღიქვა ამ მრავლისმთქმელი გადწყვეტილების კეთილგონიერულობა. მეტადრე, იგი ქართული ქორეოგრაფიული ხელოვნების მესვეურთა ცხოველ ინტერესებში მოექცა.

ათეული წლების განმავლობაში ქორეოგრაფიის მოღვაწენი მოითხოვდნენ, რომ სკოლებში დაგვეწერა ქართული ცეკვის საგნობრივი სწავლება. მაგრამ ბიუროკრატიული, გულგრილი მიდგომა უმართებულად ამუხრუჭებდა მის განხორციელებას.

დროის პროცესებს მხარი მაინც აუბა, ღირსსაცნობმა მოვლენამ სასიკეთო გზაკვალი გაიკაფა. საქართველოს განათლებისა და მეცნიერების სამინისტროში მონდომებით დამუშავდა ქართული ცეკვის საგნობრივი პროგრამა. მკაფიოდ გამოჩნდა, რომ საფუძვლიანი პროგრამის შედგენა არცთუ იოლი საქმეა.

პროგრამა რამდენიმე ნაწილისაგან შედგება. მისი ზოგადი ნაწილის შესავალი ასეთია: „ქართული ხალხური ცეკვის შესწავლა ემსახურება მოსწავლის ფიზიკურ და ესთეტიკურ განვითარებას, მოზარდთა ობაში ზოგადი კულტურის აღზრდას, დახვეწილი გემოვნების, ღირსების გრძობის, შრომისმოყვარეობის, კორექტული ქცევის, აგრეთვე, საკუთარი თავის ფლობის უნარის განვითარებას. ქართული ცეკვა მკვეთრად გამოხატული ხასიათითა და მუხტით უვითარებს მოსწავლეს ეროვნულ შეგრძნებას და უყალიბებს ტრადიციისადმი პატივისცემის გრძობას“.

პროგრამის ზოგადი ნაწილის მომდევნო საკითხებია: ქართული ცეკვის სწავლების მიზნები და ამოცანები, ქართული ცეკვის საგნის სწავლების ორგანიზება, ქართული ცეკვის სწავლების მიმართულების აღწერა, პრაქტიკული ჩვენები, კომუნიკაცია, ინტერპრეტაცია.

პროგრამაში განსაზღვრულია ქართული ცეკვის საგნის სწავლების მიზანი. ამ მხრივ, სახელდება ქართული ცეკვის მიმართ საკუთარი დამოკიდებულების ჩამოყალიბება, საცეკვაო შემოქმედებითი უნარის განვითარება და სხვა საგანმანათლებლო და ფიზიკურ თვისებათა განვითარების თავისებურებანი.

რა თქმა უნდა, საერთო ყურადღებას იპყრობს ქართული ცეკვის მიმართ საკუთარი დამოკიდებულების ჩამოყალიბება. ასეთი დამოკიდებულება რეალობაა, არსებობენ ზოგადი და ინდივიდუალური, კონკრეტული ფაქტორები.

ზოგადია ის, რომ ქართული ცეკვის ცოდნა მოსწავლის, ახალგაზრდის ეროვნული ღირსების გამოხატულებაა.

ტრადიციულად, ქართველი ბავშვი სიმღერისა და ცეკვის მიღმა ვერ იქნება. ქართველებს დაბადებიდან მოგვეცემა ცეკვის სიყვარული.

კონკრეტული დამოკიდებულება ყოველივე ის, რაც ბავშვისთვის, მოსწავლისთვის მოსაწონი და მიმზიდველია. საკუთრივ ის, რომ ახალგაზრდებს იზიდავს სხეულის მხატვრულად გარდასახვა, რიტმულობის ქსოვილში მოქცევა.

საკუთარი, ანუ ინდივიდუალური დამოკიდებულებები უფრო იკვეთება ცეკვის სწავლებისას. საშემსრულებლო ეტაპზე ეს დამოკიდებულება ბევრად აქტიურდება. მოსწავლისათვის ნათელი ხდება ამა

ზაურ ლაზიშვილი,
საქართველოს
ხელოვნების
დამსახურებული
მოღვაწე,
საქართველოს
დამსახურებული
პედაგოგი



თუ იმ საცეკვაო ლექსიკის ფუნქციური მნიშვნელობა. კარგადაა ცნობილი, რომ ქართული ცეკვის თითოეული ილეთი გარკვეული აზრის მომცველია.

აღსანიშნავია, რომ ქართული ცეკვის მიმართ დამოკიდებულების ჩამოყალიბება პედაგოგ-ქორეოგრაფის როლსაც მოიაზრებს. ამდენად, აუცილებელია, რომ საჯარო სკოლებში, უპირატესად, მუშაობდნენ სათანადო განათლების მქონე პრაქტიკოსი ქორეოგრაფები.

ჩვენი შეხედულებით, სათანადოდ უნდა გავარკვიოთ საცეკვაო-შემოქმედებითი უნარის განვითარების თავისებურებები. ამასთან დაკავშირებით, შემოქმედების შესახებაც უნდა აღვნიშნოთ. შემოქმედება ფსიქიკური მოღვაწეობის, საქმიანობის პროცესია. შემოქმედების პროცესში ადამიანი ქმნის ხარისხობრივად ახალ, მატერიალურ, სულიერ, მხატვრულ ფასეულობებს.

ქართული ენის განმარტების ლექსიკონში წერია: შემოქმედება ადამიანის ისეთი მოქმედებაა, რომლის შედეგადაც იქმნება ახალი კულტურული ღონისძიებანი — ხალხური შემოქმედება, მხატვრული შემოქმედება და სხვა.

აქედან გამომდინარე, აუცილებელია, ვიცოდეთ, რა მიმართულებით უნდა წარმართოს მოსწავლეთა საცეკვაო-შემოქმედებითი შესაძლებლობანი. ჩვენი შეხედულებით, ესაა მოსწავლის ფიზიკური შესაძლებლობების, მისი ტან-სხეულის მოქმედების, მოძრაობის პროცესები.

მოსწავლე, იგივე მოზარდი, უნდა შევაჩვიოთ, რომ სწორად გადმოსცეს ამა თუ იმ ილეთ-მოძრაობის სახე, მას უნდა გაეგებოდეს, რომ თითოეული საცეკვაო ილეთი, ცეკვის ფრაგმენტი სინამდვილის, გარემოს შთაბეჭდილების ანარეკლია. ბუნებრივია, მოსწავლის მისწრაფება უნდა იყოს, რომ მეტი გამომსახველობა მიეცეს ცალკეულ საცეკვაო ქმნილებას.

ასეთ შემთხვევაში პედაგოგ-ქორეოგრაფი მოვალეა მოწოდების სიმალლეზე იდგეს. მან უნდა გამოიყენოს სწავლების ეფექტური ხერხები, მეთოდები, რათა ღრმად ჩანდეს ბავშვის შესაძლებლობებს. პედაგოგ-ქორეოგრაფს ევალება, განავითაროს მოსწავლის ინდივიდუალური მონაცემები, დაინტერესოს იგი ცეკვის თემა — შინაარსისა და ფორმის რაობით, ასეთი მუშაობით მოსწავლე თანდათან იძენს იმ უნარ-ჩვევებს, რომელიც ააქტიურებს მის შემოქმედებით ჩვევებს. სწორედ ეს მიზანდასახულობანია ცეკვის საგნობრივ პროგრამაში წარმოჩენილი. კერძოდ, ისე, რომ ცეკვის მოყვარულ ბავშვებს აღუქვათ პლასტიკური გამომსახველობის, შინაგანი ძალების კოორდი-



ცაქვის გაკვეთილი



ნინო დელს ლევენდარულ მოცეკვავეს, იუბილარ ფრიდონ სულაბერიძეს შევხვდით. სურათები დავათვალიერეთ, წარსულს გადავავლეთ თვალი, სხვა მოცეკვავეებიც გავიხსენეთ, მსახიობებიც. ბატონმა ფრიდონმა ბრძანა, ყველა დიდი მსახიობი ჩემი მეგობარი და კარგი ნაცნობი იყო, აი, განსაკუთრებით კი ბატონი ოთარ მეღვინეთუხუცესი, მისი მეუღლე, ასევე ცნობილი მსახიობი გურანდა გაბუნია კარგად ცეკვავდა და ჩვენი ანსამბლის წევრი იყო. გადავწყვიტე, შინ ვწვეოდი ამ დიდ მსახიობებსა და ადამიანებს და ვერცხაურა სუბიმივილების ანსამბლზე, ფრიდონ სულაბერიძეზე. სამივე დიდების ვარსკვლავის მფლობელია, ბატონ ფრიდონ სულაბერიძის ვარსკვლავი დიდი საკონცერტო დარბაზის წინააგახსნილი, ქალბატონ გურანდასი და ბატონ ოთარისა კი მარჯანიშვილის თეატრის წინ. სამწუხაროა, რომ გაზეთის ფურცლებზე სრულყოფილად ვერ გადმოსცემ იმ ემოციებს, განცდებს, რასაც ბატონი ოთარი და ქალბატონი გურანდა გამოხატავენ ქართულ ცეკვაზე საუბრისას. ჩემს წინჭემშარიტად დიდი მსახიობები ისხდნენ. გავკადნიერდები და მაინც შევეცდები მათი ემოციების მკითხველამდე მიტანას.

ოთარ მეღვინეთუხუცესი: — ახალს არაფერს არ ვამბობ, ყველას აქვს ნათქვამი, რომ არაჩვეულებრივი ანსამბლი შექმნეს ილიკო სუხიშვილმა და ნინო რამიშვილმა. ეს ძველ ანსამბლსაც ეხება და ამჟამინდელსაც. მათ კონცერტებს როცა ესწრები (გურანდა არ აცდენს მათ არცერთ გამოსვლას), ადამიანს ურუანტელი გივლის, დიდი და გაუგონარი აღფრთოვანება გეუფლება. სურვილი გიჩნდება, რომ იყვირო, აჰყვე მათ, მათსავით ცერებზე დადგე. საოცარი სიამაყის გრძნობაა, რომ ეს ყველაფერი შენი ერის კუთვნილებაა, მხოლოდ შენია. ასეთ გრძნობას იწვევს ქართული სიმღერა და ხალხური პოეზია. ეს არის ჩვენი სიმდიდრე. ჩემი გურანდა ამ ანსამბლში ოთხი წლის განმავლობაში ცეკვავდა, მე რეპეტიციებზე დავყვებოდი და, ბუნებრივია, ყველას ვიცნობდი, გოგონებსაც და ვაჟებსაც, ვმეგობრობდით, ზოგჯერ ვქვიფობდით, ღვინოს ერთად ვწრუპავდით (იღიმება), აბა როგორ, მამკაცები ვიყავით. ის თაობა მართლაც რომ საამაყო თაობა იყო. არა, სხვა თაობის წარმომადგენლებიც შესანიშნავები იყვნენ, მაგრამ ისინი სასწაულებს ახდენდნენ, ისინი განუმეორებლები იყვნენ.

ესტონეთში ვიყავით ათი დღის განმავლობაში, ქართული კულტურის დღეები ტარდებოდა, კინოსა და თეატრის მსახიობებიც ნაგვიყვანეს. იქ შემხვდა ერთი ცნობილი ოპერატორი, რომელსაც ორი წელი უმუშავია ჩინეთში და მთელი მსოფლიო ჰქონდა მოვლილი. აღფრთოვანებას ვერ მალავდა, მართო ამდენი ლამაზი ქალი ერთად ჩემს სიცოცხლეში არ მინახავსო და მგონი მსოფლიოში არც მოიძებნებაო. განსაკუთრებული აზრისა იყო ვაჟ მოცეკვავეებზე, მათ ვაჟკაცურ იერსა და გამომეტყველებაზე. სწორედ ამ თაობას არგუნა განგება ამ წარმატებები, მათ გაიტანეს ქართული ცეკვის მაღლი საქართველოს გარეთ, რითაც მსოფლიომ გაგვიცნო. ამ საოცარ ანსამბლში მაინც იყვნენ გამორჩეულები. როცა დათო ბასილაშვილი ავად გახდა, ფილტვების ანთება დაემართა და რაღაც პერიოდი ვეღარ ცეკვავდა, კოკატრიქსს, ანსამბლის მაშინდელ პროდიუსერს, უთქვამს, სად არის ის ბიჭი, „სიმდის“ შესრულებისას პირველი რომ მოდისო, იმდენი ქნა, სანამ არ გამოაყვანინა, კონცერტზე მის საყურებლად მოვდივარო.

გურანდა გაბუნია: — მართლაც რომ საოცარი იყო დათო ბასილაშვილი: კეხიანი ცხვირით, მაღალი, ვიწრო წელით და ბეჭვანიერით, როგორც კი „სიმდის“ ცეკვა დაიწყებოდა, ის პირველი შემოდიოდა გრძელსახელოებიანი ჩოხით, გამოჩნდებოდა თუ არა, დარბაზი უკვე „ინგრეოდა“, გუგუნებდა და ქუხდა.

ოთარ მეღვინეთუხუცესი: — ჩემზე განსაკუთრებულ შთაბეჭდილებებს ახდენდნენ იაშა ზედამიძე და გიზო ბერაძე. განსაკუთრებით „მთიულურში“, სადაც ძალიან კაცური მოძრაობებია, წარმოდგენელ იღეთებს აკეთებდნენ. მუხლიდან რაღაც მოძრაობებით პირ-

დაპირ ცერზე გადადიოდნენ ტრიალში. ეს მართო მოძრაობები არ იყო, ეს შინაგანი ცეცხლი ჰქონდათ მათ. ეს ცეცხლი საოცრად ჰქონდა ნინო რამიშვილს. ეს დალოცვილები მართლაც რომ ცეკვისთვის იყვნენ დაბადებულიები.

გურანდა გაბუნია: — ნინო რამიშვილი არ ცეკვავდა „ყაზბეგურს“ გიზოსა და იაშას გარეშე. ხომ შეეძლო ორს ეცეკვა, არა სამივე ერთად უნდა ყოფილიყვნენ, ნინო ისე არ იცეკვებდა. გიზო და იაშა ყველაფერს ისე აკეთებდნენ, როგორც ნინოს უნდოდა, როგორც მას უყვარდა. შეიძლებოდა დამდგარიყო და უბრალოდ, ჩვეულებრივად ხელი აენია, მაგრამ ეს ისე სრულდებოდა, რომ სხვა ვერავინ გააკეთებდა. ეს იყო მის სულში, გულში და მთელ სხეულში გამჯდარი. ნინოსავით ამ ცეკვას ვერავინ ასრულებდა.

ამირან ბუთურიშვილი: — ქალბატონო გურანდა, თქვენ სოლისტი იყავით ანსამბლში?

გურანდა გაბუნია: — არა, სოლისტი ვიყავი ბუხუტი დარახველიძესთან კომპოზირულ ანსამბლში, მედალიც მაქვს აღებული, მაგრამ ილიკო სუხიშვილისა და ნინო რამიშვილის ანსამბლში სოლისტი არ ვყოფილვარ. „ხონგაში“ ვიცეკვე სოლო, სამი გოგონა ვასრულებდით ამ ცეკვას. ეს სულ სხვანაირი ანსამბლი იყო, აქ თუკი იყავი, ეს უკვე დიდი პატივი იყო და მნიშვნელობა არ ჰქონდა, სოლოს იცეკვებდი თუ არა. იმ დროს ორი უდიდესი ანსამბლი იყო: გრიგოლ მოსიესევის ანსამბლი მოსკოვში, რუსეთში და აქ ილიკო სუხიშვილისა და ნინო რამიშვილის ანსამბლი.

ამირან ბუთურიშვილი: — ფრიდონ სულაბერიძეზე რას გვეტყვი, იგი იუბილარია, 70 წლის გახდა...

ოთარ მეღვინეთუხუცესი: — რას ამბობთ, ფრიდონი 70 წლისაა? როგორ გარბის დრო. უფლოცავ, უფალმა ჯანმრთელობა არ მოაკლოს. ფრიდონზე შემძლია ვთქვა, რომ მადლცხებულია დაბადებული. რამდენი ცეკვა უნდა გამოვყო, სადაც მართლაც რომ შეუდარებელია. „აჭარული“... „კინტაური“... გინახავთ მისი შესრულებით „კინტაური“? მასავით ხომ არავის უცეკვია „კინტაური“, ნურავინ დაიბრალებს. ერთი ჟორა შვედულიძე მახსენდება „ქეთო და კოტეში“. თუმცა, არა, ეს რაღაც მოძრაობაა, ფრაგმენტია, დრამატულ მსახიობს სად შეეძლო მთელი ცეკვის სრულყოფილად შესრულება, რაც ფრიდონს ნახაზი აქვს გაკეთებული. თითქოს იმტვრევა, ქვევით ჩადის და მერე წამოიმართება, ზევით ამოდის, ფრიდონმა კინტოს ვაჟკაცობის ელემენტები შესძინა, თანაც როგორ დაიჭირა მისი ხასიათი, როგორ დაგვანახა მისი შინაგანი სამყარო. კინტოები ხომ ყარაჩოხელები არ იყვნენ, ეს უფრო სხვა ტიპის ხალხი იყო, მაგრამ მაინც ძველი თბილისის კოლორიტები იყვნენ, მათ გარეშე იმ დროის თბილისი წარმოუდგენელი იყო. ფრიდონის ცეკვაზე ძველი თბილისი გემულება თვალწინ, ამ ცეკვის დროს ვხედავ, თუ როგორი იყო ჩემი თბილი-

სი წარსულში და ფრიდონს მთელი მისი ბიოგრაფია მოაქვს. ახლაც ურუანტელი მივლის ამ ცეკვის გახსენებაზე. ეს არ არის მხოლოდ ცეკვა ტაშისათვის, ეს რაღაც განუმეორებელი ფენომენია! აი, „ქართულში“ კი მისი ფეხის გასმა რაღაც განსაკუთრებულია, კი არ დადის სცენაზე, არამედ თითქოს თხილამურებით დასრიალებს. სხვისი შესრულება გვინახავს და ძალიან კარგიც, მაგრამ ეს სულ განსხვავებულია. ღმერთმა მისცა ამას რაღაც, უთხრა, შენ გქონდეს ეს უნარიო. სწორედ ეს უნარი გვაოცებს. ეს მართლაც ცოცხალი ლეგენდაა და ვთვლი, რომ ფრიდონი არის ყველა დროის ერთ-ერთი უდიდესი მოცეკვავე.

გურანდა გაბუნია: — გავიხსენებ ფრიდონს რეპეტიციებზე. მე არ მახსოვს ფრიდონი დამჯდარი, ან შესვენებაზე ვინმესთან უსაქმოდ მდგარიყო და ელაპარაკა, მისთვის შესვენება და თავისუფალი დრო არ არსებობდა. სხვა რომ ისვენებდა, მას მხრებზე სიმძიძე ედო, მხრები გამოლიდა ჰქონდა, ტანი სწორად უნდა ჰქონოდა და ფეხით ისე აკეთებდა გასმას. მე, როგორც მსახიობს, კეთილი შური მშურდა მისი პროფესიონალიზმისა, აბა, სხვა რა შეიძლება უნოდო მის ასეთ დაულალავ შრომას. დამეთანხმეთ, რომ ეს ნიჭია ღვთისმოძღვრული.

ოთარ მეღვინეთუხუცესი: — მიშა მესხზე გამიგია, პეპლებს დასდევდაო. პეპლები ხომ სწორ ხაზზე არ მოძრაობენ და დაფარვებზე და, კიდევ, მოხსნულ მინაზე დარბოდაო. მოხსნულ მინაზე თუ დარბოდა, მინდორზე რაღას იზამდა?! ეს რამ მოაფიქრა იმ დალოცვილს, ეს ალბათ, საქმის დიდმა სიყვარულმა იცის. ფრიდონმა კი მხრებზე სიმძიძეების დადება მოიფიქრა, და ფეხებს ისე უსვამდა. ფრიდონმა დროს გაუსწრო.

ამირან ბუთურიშვილი: — ერთ-ერთ ინტერვიუში ბატონი ფრიდონი ამბობს: ქართული ცეკვა მართო ცეკვა არ არის, ის სულიერი აღზრდის დიდი სკოლაა. ყველა ძლიერი ფეხბურთელი ქართულ ცეკვას ცეკვავდა. მიშა მესხი თავისი ცნობილი ფინტების შესრულებისას ქართული ცეკვის ილეთებს იყენებდა და სწორედ ეს აოცებდა მსოფლიოს. რაც შეეხება ქართულ ცეკვას, ბატონმა ფრიდონმა ბრძანა, რომ უკვე 70 წლის ვხდები, მაგრამ კიდევ ვერ ჩავწვდი ქართულ ცეკვას და ბოლომდე ვერ დავიმორჩილეო...

გურანდა გაბუნია: — არა, ნამდვილად დამორჩილა. ახლა, ნუ ტყუის...

ოთარ მეღვინეთუხუცესი: — ეს კიდევ ერთხელ ადასტურებს, რომ ფრიდონი დიდი პიროვნებაა. ქართული ცეკვა ხომ მართლაც ამოუწურავი სანყაოა, რაც უფრო ღრმად ჩადიხარ, უფრო საინტერესო ხდება და მისი ყველა ნიუანსის წვდომის ჟინი გიპყრობს, მაგრამ არა, ეს სულ სხვა ფენომენია, ბოლომდე მართლაც ვერ ჩანვდები, ვერ ამოწურავ შესაძლებლობებს. ეს იგულისხმა, ალბათ, ფრიდონმა. ეგრეც იქნება. აი, ახლა, სუხიშვილების ბიჭი რომ მოვიდა და რაღაც ძვრებს რომ ახდენს, ყველა




ვერც გაიგებს ერთბაშად. ახალი როცა ჩნდება, რა თქმა უნდა, იმას მონიშნავს მდეგებიც ბევრი გამოუჩნდება, მაგრამ ძვრა ხომ ხდება, რაღაც იცვლება, ეს ასევე გაგრძელდება...

გურანდა გაბუნია: — ილიკოზე დავამატებდი, რომ ის ნამდვილად თავისი ოჯახის შვილია, ის არის გამგრძელებელი იმ დიდი საქმისა, რომელიც შექმნეს მისმა ბებიამ და ბაბუამ. ილიკო სუხიშვილი და ნინო რამიშვილი ქართულს სულ სხვაგვარად ცეკვავდნენ, მაგრამ ეს იყო მათი ცეკვა, მათი ინდივიდუალური გამოვლინება და, რაც მთავარია, ეს იყო დასაწყისი ქართული ცეკვებისა. ყველა კონცერტზე „ილაურს“ რომ ცეკვავენ, ეს ცეკვა ილიკოსი და ნინოს ცეკვა იყო. ნინომ ბევრი ცეკვა შექმნა, თუნდაც „ნარნარი“, მაგრამ ასევე იყო სრულიად განსხვავებული ცეკვები, სადაც ქალის სინაზეს უკვე ვაჟკაცობა ცვლიდა. აბა, მთელი ქალები „ნარნარს“ იცეკვებდნენ? მთებზე ხომ დახტოდნენ ეს გოგონები. „ნარნარი“ ნინოს მოგონილი იყო. სხვა ცეკვებიც შექმნა ნინომ. სწორედ თვითონ მისცა ბიძგი თავის შვილიშვილს, თვითონ ცეკვავდა კაცურად. პატარა ილიკო საქართველოსთვის ნამდვილი მოვლენაა. მან ანსამბლში იმდენი იმუშავა, რომ ყველა სოლისტი გახდა და ყველას შეუძლია ნებისმიერი ცეკვის შესრულება. მე და ჩემი ქალიშვილი მის ერთ-ერთ კონცერტზე ცერმლეზად ვიღვრებოდით. ერთხელ მათ კონცერტზე იაშა ზედამიძის გვერდით ვიჯექი, მომიბრუნდა და მითხრა, შეხედე, როგორ აცეკვებს ყველას, ჩვენთან ამას მხოლოდ ერთი-ორი აკეთებდაო.

ოთარ მეღვინეთუხუცესი: — რაც გურანდამ თქვა ილიკოსთან დაკავშირებით, ცხადია, ასე ერთბაშად არ მოდის, ცარიელ ადგილზე ვერ აღმოცეკვება, ამას საფუძველი ოჯახიდან მოდის. ისევე, როგორც ფრიდონი ხშირად ახსენებს თავის მასწავლებელს ავთო თათარაძეს, რომ მისწრაფად არავინ ცეკვავდაო. ვისგანაც მიიღო ცოდნა, მისთვის იდეალად დარჩა. შენი წინაპრით ყოველთვის უნდა იყო აღფრთოვანებული, რომ წამოიღო ის, რამაც ასე გადაგვარა, გაგაგო და გაქცია ამ საქმის მონაწილე. ყველა კარგი ფეხბურთელი კარგი მწვრთნელი ვერ ხდება, მაგრამ ეს დალოცვილი ფრიდონი ისევე ამ საქმეში დარჩა და დიდებული დამრიგებელი დადგა მომავალი თაობისა. აბა, გამოკითხეთ ქორეოგრაფები, პროფესიონალი და მოყვარული მოცეკვავეები, ანდა უბრალო თავყანისმცემელი ქართული ცეკვისა, რამდენი დავისახელებთ იდეალად ფრიდონ სულაბერიძეს. დარწმუნებული ვარ, — ძალიან ბევრი! არც შეცდებიან. ფრიდონი ქართული ცეკვის გენიოსია! ამჟამად ანსამბლ „რუსთავის“ მთავარი ქორეოგრაფია და, მგონი, იქვე ბავშვთა სტუდიასაც ხელმძღვანელობს. წარმოიდგინეთ, რა ბედნიერები არიან ეს ბავშვები, ყოველ რეპეტიციაზე ქართული ცეკვის ლეგენდას ხვდებიან. რამდენი რამის შესწავლა შეიძლება მისგან.

ფრიდონ სულაბერიძე 70 წლისაა!

ჩემი სინაჟური და პუნისტოვილი



ფრიდონ სულაბერიძე

შეუპარაო სიბერე ბერთას,*
შეუპარაო, იტყვიან სწავნი.
„არა და არა!“ — მის ღიმილს ღმერთმა
უბოძა ცა და უბოძა ფრთანი.
უბოძა მზე და უბოძა მთვარე,
მცლის მოყოლა უბოძა მუნსლი,
ქაჯუთის ცისეს კვლავ უსწინს კარებს
„ქართულ სულს კვლავაც ბეგრას უსდის“.
უდიდის ფიქრში იმ მაჰაც ტოქებს,
იუზენ ცრუ სოფლის რომელიც უწი,
ტოჯავს და ისეთ ნაგვალეს ტოჯებს,
როგორც ტილოზე დიდ მსატრის ფურჯი.
როჯავს და სედავს: ბინდში თვლევს სამცხე.
სანსაღის ტანსთან განჯში არის,
ღმერთმა არა ქანს, ოდესმე დაცხრეს,
ოდესმე დაცხრეს მის სულში ქანი.
სტეკია ქემერტი და სტეკია რიწი,
ცოცხლობს კვლავ სულის წაღლის ვამო
და ფენით ისე ესება მიწას,
თითქოსდა მისგან გაქცევას ღამობს.
ცეცხლის მნათობი კვლავ აფრქვევს ადმურს,
სრულებს ბროლ-ბაემი თვალთავს მუშთანს,
როცა ქართველი დაუღლის დაუღურს,
მთვარეც სელებს შლის და იწყებს შუშანს.
შეუპარაო სიბერე ბერთას,
შეუპარაო იტყვიან სწავნი,
„არა და არა!“ — მის ღიმილს ღმერთმა
უბოძა ცა და უბოძა ფრთანი.

მერაბი სალდინანი

* ბერთა — ქართული მონასტერი ისტორიულ საქართველოში, კლარჯეთში.

70 წლის ფრიდონ სულაბერიძე

უფალმა უხვად გიბოძა
ნიჭი ქართული ცეკვისა,
მეფურად მუდამ თანა გდევს
ლოცვა და სიბო ღედისა.

როგორ არ ვაქო, ვადილო,
ფეხი ღამისად გასული,
როგვის ილეუთა აუილო,
მარგალიტებად ასწული.

სელთუქმულ მეკლად აქციე
კდემით შემული „ქართული“,
ამ შედეგშია შენს მიერ
ღვთიური მადლი ჩართული.

ვარაზისელის ღუდუკი
კინტოს მუსიკით უხატებს,
უხადო სიბლით აცოცხლებ
„მეველი თბილისის სურათებს“.

დაღად გაძლილი მელაგებით
ამაჟად უვლი „განდავან“,
შენს ცეკვას როცა ვუყურებ,
სიმბრის მფანია სხადანს.

ტაშს ვეგრავს მთელი მსოფლიო
და ფეხზე მდგარი „ლა-სადა“,
ქართველმა საღმბა მეგრავსა
ცეკვის ჭეშმარიტ ვარსკვლავად.

თინათინა უთხელიძე

ჩემი დღევანდელი სათქმელი რომ ვითხრათ, შორიდან უნდა დავიწყო: ცეკვა ისე პატარას არ დამინცია, როგორც დღეს იწყებენ ბავშვები, მაგრამ მას შემდეგ, რაც დავიწყე, ჩემს ცხოვრებაში დღე არ ყოფილა ცეკვის გარეშე, ცეკვა გახდა ჩემთვის უდიდესი სიყვარულიც, პროფესიაც, მიზანიც, თავშესაფარიც, თვითგამოხატვის საშუალებაც და არც ის იქნება გადაჭარბებული, თუ ვიტყვი, რომ მე ცეკვით ვცხოვრობ და ვცოცხლობ. ამ ყველაფერს იმიტომ ვამბობ, რომ გამოვხატო, რა მნიშვნელობა აქვს ხელოვნების ამ დარგს ჩემთვის და როგორი გულშემოტიკი ვარ მის მიმართ. ამიტომაც, როცა მე აზრს გამოვთქვამ ქართული ცეკვის შესახებ, ისეთივე გულწრფელი ვარ, როგორც ბიბლიაზე დაფიქრებული მონაწილე. ჩემი სიმათლეს კი ისაა, რომ ცეკვა, ხელოვნების ნებისმიერი სხვა დარგის დარად, თანამედროვეობას უნდა ეხმარებოდეს და მასში ეძებდეს თავის ადგილს. თუმცა, ჩვენ ყველამ ვიცით, რომ თანამედროვეობა, ანმყო დაკავშირებულია როგორც ნარსულთან, ასევე მომავალთან. ფოლკლორი ნარსულის ფესვებიდან მოდის, ანმყოში იხვეწება, ვითარდება და ისე გადაეცემა მომავალს. ამიტომაც ფოლკლორში ნარსულის შევიწროება და უგულვე-

სისტემატური გამოკვება საჭირო. მაგრამ როგორც საკვების მოკლები ვნებს მას, ასევე ვნებს საკვების ჭარბი დოზით მიღებაც. ასეა ფოლკლორიც — სანამ ერთ ახალ მოძრაობას, ახალ ელემენტს შევიტანთ, ასევე უნდა ავწინა-დავწინოთ და გაგზომოთ ყველაფერი, რადგან ტრადიციის რღვევა, მართალია, გარდაუვალი, მაგრამ მტკივნეული პროცესია და უნდა ვეცადოთ ეს, რაც შეიძლება, უმტკივნეულოდ მოხდეს. არადა, რამდენი ტრადიცია, რომლებმაც თავიანთი ისტორიული ფუნქცია ამოწურეს და მოძველდნენ, შეგვიცვლია, ანდა სულაც დაგვიკარგავს. რა თქმა უნდა, ეს არ ეხება მარადიული ღირებულებების მატარებელ, ერის მაცოცხლებელ, მისი სულიერების შემნარჩუნებელ ტრადიციებს. მოძველებულ ტრადიციებს რაც შეეხება, ერთი ფილმი მახსენდება: მეფე მიმართავს ცოლს — კი მაგრამ, მე ვინ ვარ, რომ ტრადიცია შევცვალო. ცოლი კი უპასუხებს, — მე მეგონა, შენ მეფე იყავიო. დიას, ტრადიციას ვინც ცვლის, ნოვაციას ვინც ამკვიდრებს, უარგონით რომ ვთქვა, მაგარიც ის არის, ოღონდ ნოვაციონა ძალიან არ უნდა „შეუბეროს“ და გადაამლაშოს; გადაამლაშება ყველაფერს აფუჭებს, ამასთან, ყველას უნდა ახსოვდეს, რომ არსებობს ისეთი რამ, რისი ხელის



მიწვევით აისახება ცხოვრებაში მიმდინარე პროცესები. ქალები ცხოვრების ასაპარეზის ყველა სფეროში გააქტიურდნენ და ამდენად, ჩემთვის მოულოდნელი არ ყოფილა საცეკვაო სცენაზე ქალის როლის მზარდი დოზებით წარმოჩინება, მაგრამ მეჩვენება, რომ ამ საკითხში, ცოტა არ იყოს, გადავჭარბებ. მამაკაცის ილეთებით მოცეკვებულ ქალი ცუდი სანახავი როდია, მაგრამ ვატყობ, სცენაზე ის მამაკაცზე მეტად იტივრება, რადგან ქალისასაც ცეკვავს და კაცისასაც. შეიძლება, მე ვერ ვამჩნევ და თუ ცხოვრებაშიც ასეა მამაკაცის მნიშვნელობა შემცირებული ქალთან შედარებით, ვერ ყოფილა ჩემი საქმე მთლად კარგად და ეგაა.

შორსა ვარ იმ აზრისაგან, რომ მართო დოლ-გარმონი უნდა იყოს, მაგრამ რამდენი საკრავიც არ უნდა გამოვიყენოთ, ისინი აუცილებლად ქართული უნდა იყოს. ისე კი, ჩემი აზრით, ქართული ცეკვა განსაკუთრებულ სიბლით იქნის, როცა ის ქართული სიმღერის თანხლებით სრულდება: სიმღერა სმენას ატკბობს, ცეკვა — მხედველობას და როცა ეს ერთდროულად ხდება, სხვისი არ ვიცი და, პირადად ჩემთვის ორმაგად სასიამოვნოა.



ბელყოფა, ანდა ანმყოს მოთხოვნილებათა გაუთვალისწინებლობა მხოლოდ ზიანს მოუტანს მას. ყველა ქორეოგრაფი ნოვაციონი ვერ იქნება და არც მოეთხოვება, მაგრამ თუ ის ნოვაციის საჭიროებას ხედავს და საერთოდ უარყოფს მას, ე.ი. უნიჭია და მის ხელოვნებას მომავალი არ აქვს. თუმცა... აი, აქ დიდი „თუმცა“ უნდა დავეწყო: თუმცა, ნოვაციის დანერგვისას უდიდესი სიფრთხილე, ზომიერების გრძნობა, ქართული ფოლკლორის ძირფესვიანი ცოდნა და მისი თავისებურებების გათვალისწინება საჭირო. ცოცხალი ორგანიზმის განვითარებისათვის მისი

ხლებაც არ შეიძლება იმ უბრალო მიზეზის გამო, რომ ის გენიალური და მარად თანამედროვეა და არც ერთ ეპოქაში არ დაკარგავს აქტუალობას. მაგალითად, არ შეიძლება „ცეკვა ქართულის“ შეხება. ისევე, როგორც არ შეიძლება ეგვიპტური პირამიდის ხელის ხლება და მისთვის თანამედროვე დიზაინის ელემენტების მიხეობა. იმავეს ვიტყვი „ხორუმსა“ და კიდევ რამდენიმე ცეკვაზე.

ფოტოისტორია



კონსტანტინე მანჯგალაძე, ფრიდონ სულაბერიძე, ავთანდილ თათარაძე, რომან ჭოხონელიძე.



რომი. 2009 წელი ჩემპიონთა ლიგის ფინალური მატჩის გახსნა. ანდრეა ბოჩელთან ერთად

ქართული ცეკვა ყოველდღიური საფიქრალი და საზრუნავია, რადგან როგორც თავში აღვნიშნე, მე ცეკვაში ვცხოვრობ და ჩემი სული და გული ისე მაქვს მასში ჩადებული, როგორც ზურაბია სურამის ციხეში. ამიტომაც ყველაფერი, რაც ცეკვას შეეხება, პირდაპირ ან არაპირდაპირ შემეხება მეც. რამდენჯერაც მე გასმა გამოიკეთებია, იმდენი სიტყვა რომ დავწერო, შეიძლება „ომი და მშვიდობაზე“ დიდი ნიგინ გამომივიდეს.

ცეკვა ჩემი სიხარულიც და გულისტკივილიც და შეეცადე, ნაწილობრივ მაინც გამომეთქვა ჩემი ნაფიქრი და ნაზრევი, რასაც ქართული ფოლკლორის დღევანდელი დღე მკარნახობს.

ფრიდონ სულაბერიძე,
საქართველოს სახალხო არტისტი

მონაფორმა

რა მცირე ყოფილა ჩვენი ცხოვრება. როგორ გაფრენილა და გაღეულა წლები, როგორ მაკლიხარ და მენატრება ჩვენი ერთად ყოფნის დრო. წლები, როცა გავიცანით ერთმანეთი. ეს იყო იმ ადამიანთან, რომელსაც ავთანდილ თათარაძე ერქვა. ისიც შენნაირი შეუცდომელი ადამიანი იყო. თქვენ ჰგავდით ერთმანეთს, ის ყველას უყვარდა, როგორც შენ. ახლა, ალბათ, ერთად ხართ, ალბათ კი არა, უეჭველად ერთად იქნებით.



ფრიდონ სულაბერიძე და
ჯემალ ნავროზაშვილი.
1960 წელი



და. ისიც ნაღდი კაცი იყო. მჯერა ჩემს მოსვლამდე საკუთარი შვილივით იზრუნებ მასზე. ნათელში იყოს თქვენი სული.

ერთად ხართ, ალბათ, ჩემი მეგობრები, რობერტ მაჭარაძე, რობერტ კავლელაშვილი და ჯემალ სამხარაული. გახსოვს, ალბათ, რობერტმა ნაძლევი დაღო, ხანჯლებით ისე ვიცეკვებ, არც ერთი იატაკზე არ დავარდებო. ცეკვისთვის უკვე ხანში იყო, მაგრამ ნაძლევის დადების შემდეგ ყოველდღე რეპეტიციას გადიოდა ხანჯლებით. მოსწავლეები შეშინებულნი უყურებდნენ, ეგონათ, მასწავლებელი შეიშალაო.

10 ცალი ხანჯალი უნდა ჩაერჭო, მან კი 9 ჩაარჭო. მე შარი მოვდე, ათი არ არის—თქო. მან კი მითხრა, მეათე ხანჯალი ვერ ვიშოვეო. რა თქმა უნდა, მოგებდა ჩავუთვალეთ და განსაკუთრებულად აღვნიშნეთ კიდევ.

ბოლოს საავადმყოფოში გინახულე, მკითხულობდი. ცუდად იყავი. გამომემშვიდობე. ველარ მოვზრუნდებო. ეს იყო ჩვენი ბოლო შეხვედრა. მეორე დღეს ცოცხალი აღარ იყავი. ცხოვრებისეულ ტრავმებს ველარ გაუღლო გულმა.

ადამიანები იბადებიან და არ იციან, როდის ნავლენ ამ ქვეყნიდან. უფლის ნებაა ყველაფერი. მასაც კარგი კაცი უნდა გვერდით, სწორედ ისეთი, შენ რომ იყავი, ჯემალ...

ძმური სიყვარულით,
ფრიდონ სულაბერიძე

როგორ ცარიელია ყოველი დღე უშენოდ, სევდა და მოგონებები არ მცილდება...

მე არ მახსოვდა ამბავი, რომელიც წლების შემდეგ მომიყვები და ვინახისეთ. გამოცდას ვაბარებდით ქართულ ცეკვაში ბატონ ავთო თათარაძესთან. მოგონებია ჩემი ფეხსაცმელი, მე კი არ გათხოვე... გამოცდაზე შენ მაინც კარგი ნიშანი მიიღე იმ რეზინისძირიანი ჩუსტებით, რომელიც გეცვა. ახლაც გული მტკივა, რომ არ გათხოვე. რა ვიცოდი, განუყრელი მეგობრები თუ გავხდებოდით. იმ ფეხსაცმელი დღესაც ცეკვავ ხანდახან და იმ გასმას ვასრულებ, შენ რომ ძალიან მოგწონდა. ჰოდა, როცა შენთან ნამოვალ, ნამოვიღებ, ჩემი ნავროზ...

გული მწყდება ბევრ რამეზე, გიხსენებ მეგობრები და გეფერებით. რამდენჯერაც ჯუმბერ ბერაძესთან ერთად ვარ სუფრაზე, სულ მახსენდება, როგორ გინდოდა ჩვენთან ერთად ღვინის დაღევა. მე კი არ განებებდი. სიცოცხლის ბოლო წლებში ხომ ყოველდღე ერთად ვიყავით, ერთად ვსადილობდით. რა ვიცოდი, თუ ასე მალე გაქრებოდი ამ ნუთისოფლიდან. შენ ხომ ყოველთვის მჯობნიდი სმაში, თუმცა ბოლო დროს მე გჯობნიდი. ჩვენი არბიტრი კი ომარ მხეიძე იყო. შენს საყვარელ სკოლა-სტუდიასთან ვიყავით ხოლმე ახლოს. შორს არ გიყვარდა ნასვლა. სტუდიისა, რომლის პირველი პედაგოგი მე ვიყავი. შემდგომ კი შენ გახდი დირექტორი და სამხატვრო ხელმძღვანელი. ძალიან მიყვარდა იქ მოსვლა. მოვიდოდი კაბინეტის ფანჯრებთან და ნიშანს გაძლევდი. მიხაროდა, როცა შენი საოცარი, ლამაზი ღიმილით გამომხედავდი. შეხვედრაც როგორ იცოდი. ასე არავინ მხედებოდა... ხშირად გითქვამს სამეგობროში, ყველა მიყვარხართ, მაგრამ ფრიდონი ყველაზე მეტად მიყვარსო. მართალია, ჩემთვის განსაკუთრებული ადამიანი და მეგობარი იყავი. ყველა ტკივილსა და სიხარულს ერთმანეთს ვუზიარებდით. შენი აზრი ჩემთვის ანგარიშგასანევი იყო ყოველთვის. მე შენი მჯეროდა, სულ მომიძიარი, კეთილი, უბოროტო, განონანსწორებელი. ძნელად თუ გამოხვიდოდი მდგომარეობიდან. ისიც იშვიათად.

იყავი არაჩვეულებრივი თანამეინახე. კაცი ვერ შეგატყობდა ტკივილსა და პრობლემას.

ისევ მოგონებები მირევს გონებას...

ინგლისი, ალბერტპოლში გამოვიდი. პასპორტი დაკარგე, თეთრად გავათენეთ ბიჭებმა ლამე. პასპორტის დაკარგვა ხომ სამშობლოს ღალატის ტოდღასი იყო მაშინ. ჩვენ ვერ მივხვდით, თურმე დამლაგებელს უპოვია და იმისთვის გადაუტია, ვინც ეს ამბავი გვამცნო. ეს იყო ბატონი ილიკო სუხიშვილი. ჩვენ კი ვერ მივხვდით, რა თქმა უნდა, ფაქტი აღვნიშნეთ.

გახსოვს ალბათ, ჩემო ჯემალ, პარიზში შენი სოფლელი, ერთანმინდელი ემოგრანტი რომ გავიცანი. ღირსეული კაცი იყო საშა კარგარეთელი. თეატრ „ლაამბარში“ გამოვიდი. ყოველი კონცერტის შემდეგ ერთად ვწრუპავ-

დით ფრანგულ ღვინოს. გაცეკვებულნი ვუსმენდით ქაქუცა ჩოლოყაშვილის რაზმის წევრის ისტორიას და აღფრთოვანებას ვერ ვმაღავდით. ბოლო შეხვედრა რესტორნში დამთავრდა. შენი სახე არ დამავიწყდება, როცა გპითხას ის, ქართულის მოცეკვავე ბიჭი, რატომ არ გამაცანიაო. თურმე ვერ მიცნო. ჩვენი შეხვედრები შემდგომშიც გრძელდებოდა პარიზში გასტროლების დროს. თბილისშიც გვევწია. შენ გახარებული და ამაყი დაატარებდი ყველაგან. ერთანმინდაშიც ნაიყვანე და უმასპინძლე.

გავიდა წლები და გაილია ცხოვრება. უფრო ხშირად ვფიქრობ ჩემთვის წმინდა სულებზე. ჩემს გარდაცვლილ მეგობრებზე. არ დამავიწყ-

დება მამამენის, ბატონი ლევანის უღამაზესი ცისფერი თვალები... ლექციებიდან გამოვიპარეთ. ბატონი ლევანი დეზერტირის ბაზართან არაყს ყიდდა. მახსოვს, რა სიყვარულით და იმედით გვიყურებდა თმაქორჩილ ბიჭებს, რა იცოდა, რომ ქართული ცეკვით მსოფლიოს შემოვუვლიდით.

მეგრელი ქალბატონი იყო დედაჩემი და არაჩვეულებრივად აკეთებდა მეგრულ სადილებს. ბევრი ვიცინეთ, პირველად ღობი რომ გაგასინჯა და დაუწუნე — ფაფა გეგონა...

ჩემო ძმაო, ჯემალ! შენ კარგად იცი ჩემი ყველაზე დიდი ტკივილი, ჩემი შვილი, ავთოც შენსათვის ლამაზი და დიდებული ვაჟკაცი მყავ-

ქალაქური ფოლკლორის მარგანიტები — კინტოსა და ყარაჩოხელის ცეკვა

ქართული ქორეოგრაფიული ხელოვნების ისტორიაში გამორჩეული ადგილი უჭირავს ქალაქური ფოლკლორის ნიაღში აღმოცენებულ და შემდეგ ფართოდ გავრცელებულ საცეკვაო ნიმუშებს. ამ მხრივ ქართული სინამდვილე, მართლაც, გამორჩეულია, რადგან თვით უმდიდრესი ფოლკლორული ტრადიციების მქონე ხალხებსაც კი, უმეტესწილად, აქვთ ქალაქური სიმღერები, მაგრამ არ გააჩნიათ ქალაქური ცეკვები. თბილისურმა ყოფამ შექმნა საცეკვაო ნიმუშები, რომელსაც დღე-ისათვის „კინტოურად“, „ყარაჩოხელთა ცეკვად“, ზოგჯერ კი „ბაღდადურად“ მოიხსენიებენ.

კინტო და ყარაჩოხელი ძველი თბილისის ვაჭრობა-ხელოსნური ყოფის ნიაღიდან ამოზრდილი კოლორიტული ფიგურებია. კინტო ხელზე მოვაჭრეა, გამოირჩევა მოსწრებული სიტყვა-პასუხით და თავისებური ჩაცმა-დახურვით (მაღალსაყელიანი, საკინძემოსხნილი, დანინ-ნკლული ჩითის პერანგი, მოკლე შავნაოჭიანი ახალუხი, უბეგანიერი ნაოჭიანი შარვალი, მესტები ან ყელდაკეცილი „დანყობილი“ ჩექმები, ვერცხლისაბზინიანი სარტყელი და აბრეშუმის ან ჩითის ხელსახოცი).

კინტო ხონჩაზე განყოფილ ნაირ-ნაირ ხილ-ბოსტნეულს გასაყიდად ქუჩებში თავზე შემოდგმული დაატარებდა. თბილისის კოლორიტს იგი XX ს-ის 30-იან წლებამდე შემორჩა. ხალხური ტრადიციით, კინტო ცულღუტის, ლაზღანდარას, მასხარას, სიტყვათმოსწრებული ქალაქელის სინონიმად ითვლებოდა.

სრულიად სხვა შეხედულება ჩამოყალიბდა ყარაჩოხელის მიმართ.

სიტყვა ყარაჩოხელი თურქულია და „შაფრიხიანს“ ნიშნავს. ძველ თბილისში ყარაჩოხელს უწოდებდნენ ხელოსანს, ზოგჯერ მოვაჭრეს. იგი გამოირჩეოდა რაინდული ბუნებით, სიღარბაისლით, დარდმანდული ხასიათით და გამორჩეული ჩაცმა-დახურვით. ეს იყო გულამოღებული აბრეშუმის პერანგი, შავი ატლასის ან სატინის წვრილნაოჭიანი ახალუხი, შალის შავი უბეგანიერი შარვალი, ქოშები ან წულეები, გრძელკალთებიანი, მოკლენაოჭებიანი ორჩაქიანი შავი შალის ჩოხა, შემკული ვერცხლის გობაკიანი ქამრით, ბაღდადი და ბუხრის ქუდი. ყარაჩოხელები ხელოსნურ ამქარს ქმნიდნენ. მათი გაერთიანებები და ცალკეული წარმომადგენლები თბილისში XX ს-ის 20-იან წლებამდე არსებობდნენ, თავისი ქცევითა და ტრადიცი-

თან, აზერბაიჯანულ „გვირათთან“, რომელიც ხშირად ისევ „იალის“ სახელითაც გვხვდება. თავის მხრივ, ეს ვერსიები გამოსხატავს ნაყოფიერების კულტისათვის დამახასიათებელ გარკვეულ რიტუალურ მომენტებს და ამით უახლოვდება სვანურ საკულტო ცეკვას „მელია-თელიას“. ასეთი მსგავსება-პარალელები ფოლკლორში ჩვეულებრივი მოვლენაა, რაც, თავის მხრივ, მისი სინკრეტული ბუნებიდან, ასევე ხალხის სოციალურ-ეკონომიკური თუ ყოფითი პირობების ურთიერთმიმსგავსებულობით შეიძლება აიხსნას. „იალის თამაშები“ ძველი თბილისის მრავალეროვანი მოსახლეობის ვაჭარ-ხელოსანთა ფენების გასართობი ცეკვა იყო. ხშირად იგი ქალაქური დღესასწაულის „ყვენობის“ შემადგენელ ნაწილადაც გამოდიოდა. სწორედ აქედან უნდა მოდოდეს „კინტოურის“ მსუბუქი იუმორით გაუღენთილი საცეკვაო ტექსტი და ლექსიკა, ფორმა და შინაარსი.

ტრადიციულად, „კინტოურს“ ორი მოცეკვავე ასრულებდა. ისინი სხვადასხვა ნივთებით (თავზე თაბახი, ტიკი, ბაღდადი) ხელდამშვენებული წრეში შეიჭრებოდნენ და თავიანთ ოსტატობა-მოხერხებულობა-უმჯობეს საცეკვაო რიტმში აქცევდნენ. „კინტოურის“ აუცილებელი ელემენტებია მხრებისა და ფეხების სწრაფი მოძრაობა, თვალის ჩაკვრა, გარშემოყოფ გოგონებისათვის კოცნის ჰაეროვანი გაგზავნა, მისთვის დამახასიათებელი უმჯობესი ღიმილი, ბაღდადის ოსტატური მოქნევა, მისი ძირს დაგდება, შემდეგ კი კბილებით ალება (ხშირად ბაღდადს ცვლის ღვინით სავსე ჭიქა) ხელების დაუხმარებლად, ფეხების განზე თანდათანობით განევა, მერე ისევ ახლოს მოტანა, ზედმეტად ჩქარი გასმების გაკეთება და ა.შ.

ფოლკლორულ ვარიანტში „კინტოური“, ცხადია, ბევრად ხანგრძლივი იყო, მის სიუჟეტურ ხაზში შედიოდა სადღერძლოს წარმოთქმა, ყორების ჭიდაობა, ქალაქური ყოფისთვის დამახასიათებელი სახასიათო სიუჟეტების გათამაშება და სხვა ამგვარი.

კინტოს ცეკვისგან გარკვეულად განსხ-



გავდებოდა ყარაჩოხელის ცეკვა. ამ განსხვავებას განაპირობებდა ის არსებითი ნიუანსები, რომელიც თვითონ ყარაჩოხელს გამოარჩევდა კინტოსაგან. ყარაჩოხელი ხომ დინჯი, დაფიქ-

დასასრული მე-8 გვ.

ქალაქური ფოლკლორის მარჯანიბები – კინოსა და ყარაოხანის ტექნა

დასაწყისი მე-7 გვ.

რეზულია და ზედმეტად დეტალიზებული მოძრაობების გაკეთებას არ იკადრებს. ამიტომ მის ცეკვაში ძირითადი დატვირთვა გასმეგზე მოდის. აქ არ იკითხება ხტომები, ბუქნები და თეატრალიზებული მიმიკით ზედმეტად დატვირთული სველები.

საგულისხმოა, აღინიშნოს, რომ კინტოურ-ყარაოხლური ცეკვები XIX ს-ში ხშირად „ბალ-დადურისა“ და „შალახოს“ სახელითაც გვხვდებოდა, იგივე მეორდება დღესაც.

აღსანიშნავია ისიც, რომ ეს საცეკვაო პანტომიმა მამაკაცების ცეკვას წარმოადგენს, თუმცა ზოგიერთმა ქორეოგრაფმა მისი ქალთა ვარიანტიც შექმნა.

უნდა ითქვას, რომ თუ აღნიშნული ცეკვები, თავის დროზე, წყვილთა დიალოგის სახით სრულდებოდა, მოგვიანებით, როდესაც იგი სცენაზე გადავიდა, ჯერ ერთი, გაერთიანდა კინტოურისა და ყარაოხლურის საცეკვაო ელემენტები და მეორეც, იგი მოცეკვავეთა ნებისმიერ რაოდენობაზე გათვლილ კოლექტიურ ცეკვად იქცა.

XX ს-ის 50-იანი წლებიდან ეს ცეკვა დამკვიდრდა ქორეოგრაფიული კოლექტივების რეპერტუარში და მას ხან „კინტოური“, „ბალდადური“ ან კიდევ „ძველი თბილისის სურათები“

ენოდება.

ეს ცეკვა სადღესოდ, უფრო ხშირად, ასეთი ფორმითაა წარმოდგენილი: ჩაბნელებულ სცენაზე მოცეკვავეთა ჯგუფი – კინტოები და ყარაოხლები წინასწარ იკავებენ ადგილს. სცენა ნელ-ნელა ნათდება და მოცეკვავეთა ჯგუფს წარმოაჩენს. სცენის ცენტრში ორი გარინდულ-დაღონებული ყარაოხელი დგას. როგორც წესი, მათ ჩოხის მარჯვენა კალთა მარცხენა ბეჭზე აქვთ გადადებული და ხაზგასმული თეატრალიზებული მოქმედი მარჯვენა კვლავ მარცხენა ბეჭზე უდევთ. ყარაოხელთა დახრილი თავი აშკარად მიუთითებს, რომ კინტოები, რომლებიც გვერდში უდგანან, მათი მკაცრი მხედველობის არეშია მოქმედი. დანარჩენ კინტოთაგან ვინ მუშტრის მომლოდინე პოზაშია, ვინ თავის საქონელს აქვს, ვინ კიდევ სასწორით ხელში აწონვის პროცესის იმიტაციას ახდენს. იქვეა მეორე და საცეკვაოდ გამზადებული კინტოები... ისმის დოღზე შემოკერის ხმა (რამდენჯერმე, მიყვლებით) და მოცეკვავეთა ეს ერთიანი წყობა შეირხევა, იგი ცოცხლდება.

საცეკვაოდ გამზადებული კინტოებიდან ერთ-ერთი წრეზე დავლას იწყებს, მას მეორეც უერთდება და იწყება ტრადიციული წყვილთა „კინტოური“, რომელიც გარკვეულ დრომდე ჯგუფური ტაშის ფონზე სრულდება. ბოლოს კი

იწყება საყოველთაო ცეკვა-მოლხენა, სადაც სოლოებში ე.წ. კინტოურ სველებს, ყარაოხლური მოძრაობები ცვლის და, პირიქით. მერე ისევ ყველა ცეკვავს და, ფინალის მოახლოებასთანვე მთლიანი ჯგუფი თავის საწყის პოზიციებს უბრუნდება და ყველა სტატიურ მდგომარეობას იჭერს. ცეკვის ზოგიერთ ვარიანტში დუდუკის ხმაზე სინათლე ნელ-ნელა ქრება და ჯგუფი ისევ უჩინარდება, როგორც ეს დასაწყისში იყო – ჩაბნელებული სცენა მოცეკვავეებს თან გაიყოლებს.

გვაქვს სხვა ვარიანტებიც, სადაც ცეკვას ჩვეულებრივ საფინალო, კულმინაციური რეგისტრისათვის დამახასიათებელი მასობრივი და აჩქარებული მოძრაობებით დაესმის საფინალო წერტილი.

აღსანიშნავია, რომ სცენაზე გადატანილმა კინტოურ-ყარაოხლურმა ცეკვებმა დაკარგა, და სავსებით სწორადაც, ის უხამსი, ზედმეტად უტრირებული ელემენტები, რაც მას XIX ს-ში,



ქალაქური ფოლკლორული ყოფის ნიაღში ახასიათებდა. დღესათვის ეს ცეკვები ქართული საცეკვაო ფოლკლორის ერთ-ერთ მშვენიერ ნიმუშად იქცა და იგი ქართულმა სცენამ არ უნდა დაივიწყოს.

რაეო შანიშვილი,
პროფესორი

ქორეოგრაფიული ანსამბლი „მინდია“



1976 წლიდან თბილისის 39-ე საჯარო სკოლასთან არსებული ქორეოგრაფიული სტუდიის ბაზაზე ფუნქციონირებს ანსამბლი „მინდია“, რომელსაც ხელმძღვანელობს სუხიშვილების ანსამბლის ყოფილი მოცეკვავე,

რესპუბლიკური და საერთაშორისო ფესტივალების მრავალჯერ ლაურეატი, საქართველოს განათლების წარჩინებულის სამკერდე ნიშნის მფლობელი ალექსანდრე ქართველიშვილი. დაულაღავი შეოქმედებითი შრომის შედეგად ანსამბლი „მინდია“ ჩამოყალიბებიდან სულ მოკლე პერიოდში ჩაღვა საქართველოს წამყვან საბავშვო ქორეოგრაფიულ ანსამბლებს შორის. იგი არის ბავშვთა მხატვრული თვითმოქმედი ანსამბლების რესპუბლიკური დათვლიერებების ხუთგზის ოქროს მედლის მფლობელი და ლაურეატი. 1983 და 1998 წლებში თბილისის განათლების სამმართველოს მიერ მინიჭებული აქვს წლის საუკეთესო ქორეოგრაფიული ანსამბლის წოდება.

ანსამბლ „მინდიას“ მდიდარი შემოქმედებითი ბიოგრაფია გააჩნია. არსებობის მანძილზე მან არაერთგზის იმოგზაურა მსოფლიოს სხვადასხვა ქვეყნებში და მისი ყოველი მოგზაურობა წარმატებით გვერდვინდებოდა. ამ ანსამბლის შესახებ არაერთხელ დაინერა პრესის ფურცლებზე და გადაიცა ტელევიზიით როგორც საქართველოში, ასევე მის ფარგლებს გარეთ. იგი არის მსოფლიოს ფოლკლორული ფესტივალების მრავალჯერ

ლაურეატი. ანსამბლ „მინდიას“ არქივში ინახება სხვადასხვა ფესტივალ-კონკურსებში მიღებული უამრავი სიგელი, ჯილდო, რიგ ქვეყნებში დამსახურებულად მოპოვებული უამრავი გრან-პრი. განსაკუთრებით უნდა აღინიშნოს 1985 წელს – რუმინეთში, 1986 წელს – ბულგარეთში, 1988 წელს – იუგოსლავიაში, 1989 წელს – ფინეთში, 1991 წელს – კვლავ რუმინეთში, 1994 წელს ჯერ გერმანიაში, ხოლო შემდეგ ერაყში (ბაბილონი), 1996 წელს – კვიპროსში, 1997 წელს – საბერძნეთში, 2003 წელს – ესპანეთში, 2009 წელს – საფრანგეთსა და 2010 წელს კატალონიაში გამართულ ფესტივალ-კონკურსებში მოპოვებული გამარჯვებები.



ანსამბლის რეპერტუარი დაფუძნებულია მხოლოდ და მხოლოდ ქართულ ფოლკლორზე. მის წარმატებებს დიდად განაპირობებს ეროვნულ ესკიზებზე შექმნილი კოსტიუმები, რომლებიც განსაკუთრებულ ელფერს სძენს თითოეულ ცეკვას და მთლიანად საკონცერტო პროგრამას, რასაც უდიდესი სიამოვნებით აღიქვამს მაყურებელი. გარდა ფესტივალ-კონკურსებში მონაწილეობისა, ანსამბლი „მინდია“ არაერთხელ წარსდგა ფართო მაყურებლის წინაშე სრული პროგრამით (1,5 სთ) და ყოველთვის იმსახურებს მაყურებლის სიმპათიას და პატივისცემას. „მინდიას“ მიერ ჩატარებული სოლო კონცერტებიდან აღსანიშნავია გამოსვლები შემდეგ ქვეყნებში: სირია, იორდანია, ინდოეთი, შრი-ლანკა, პორტუგალია, საბერძნეთი, თურქეთი, იტალია, მაროკო, კორსიკა... განსაკუთრებული აღნიშვნის ღირსია 1996 წელს საფრანგეთის ქვიშის ოპერის თეატრში ჩატარებული კონცერტი „თბილისური საღამოები“, სადაც ანსამბლი „მინდია“ ყველასათვის საყვარელ ანსამბლ „ქართულ ხმებთან“ და ჯანსუღ კახიძის სახელმწიფო სიმფონიურ ორკესტრთან ერთად წარსდგა ფრანგი და არა მარტო ფრანგი მაყურებლის წინაშე. ეს არასრული ჩამონათვალია იმ ქვეყნები-

სა, სადაც ანსამბლმა „მინდიამ“ თავისი შემოქმედებით მოხიბლა და შეძლო მაყურებელამდე მიეტანა ჩვენი ქვეყნის ულამაზესი ხელოვნების, კერძოდ, ქართული ცეკვის ხიბლი და მადლი, სინამდვილე და სულიერება. კონცერტების შემდეგ ხშირად შეიმჩნევა მაყურებლის როგორც გაცვივებისაგან გაბრწყინებული, ასევე სიხარულით აღსავსე ცრემლიანი თვალები. ქორეოგრაფიული ანსამბლი „მინდია“ და მისი თითოეული წევრი, დიდი თუ პატარა, დღესაც დაულაღავად შრომობს და იღვწის წინსვლისა და სიახლეების დანერგვისათვის, რათა კიდევ და კიდევ მაღლა ასწიონ ქართული ხელოვნების დროშა, როგორც პროფესიონალთა ლეგენდარული, ასევე გამორჩეული საბავშვო ქორეოგრაფიული ანსამბლების გვერდში დგომით და კიდევ ერთხელ და მრავალჯერ დაანახოს მთელ მსოფლიოს, თუ როგორი დაუცხრომელი და სიცოცხლით სავსეა ჩვენი ქართული ჯიშო და გენი. ანსამბლ „მინდიას“ ხელმძღვანელის, ალექსანდრე ქართველიშვილის სახელს უკავშირდება ეს წარმატებები. შემოქმედებითი წლის მიწურულს ანსამბლი კიდევ უფრო ზევს და ამრავალფეროვნებს რეპერტუარს. მინდისელები მომავალი წლის წარმატებებს ახლა, აქედანვე უყრიან საფუძვლებს.

საქვის სიყვარული შთაბრძნავს

ყოფილი მოცეკვავეები ნინო ტურიაშვილი და რომეო ტატიშვილი, რომლებმაც 20 წელი საქართველოს სახელმწიფო ფილარმონიაში მსახიობ-მოცეკვავეებად იმუშავეს, ამჟამად მთელ თავიანთ შემოქმედებით ენერჯიას მომავალი თაობის აღზრდას ახმარენ, პატარებს ეროვნულ ტრადიციებსა და ქართული ცეკვის სიყვარულს უწერგავენ.

როგორც ქალბატონი ნინო ამბობს, — „ქვეყნის მომავალი ბავშვებს ეკუთვნის, ამიტომ განსაკუთრებული მნიშვნელობა ენიჭება იმას, თუ რა ფასეულობებს ჩავუწერავთ მათ ადრეულ ასაკში. მშობლიური ქვეყნის ისტორიის, კულტურისა და ტრადიციების სიყვარულს ხომ სწორედ ამ დროს ეყრება საფუძველი. რაც უფრო მეტი შრომა დაიხარჯება, მით უფრო მყარი იქნება საძირკველი.“


განსაკუთრებით დასაფასებელია იმ ადამიანების საქმიანობა, რომლებიც ზედმეტი სმარტის გარეშე აკეთებენ თავიანთ საქმეს, უზრდიან ქვეყანას მომავალ თაობას.

უკვე 25 წელია ნინო ტურიაშვილი და რომეო ტატიშვილი სათავეში უდგანან ბავშვთა ქორეოგრაფიულ ანსამბლ „ფერხულს“ და პატარებს ქართული ცეკვის სილამაზეს აზიარებენ. ნინო ტურიაშვილმა ქორეოგრაფიული სასწავლებლის წარჩინებით დამთავრების შემდეგ ქალაქ სამარის კულტურისა და ხელოვნების სახელმწიფო ინსტიტუტის სარეჟისორო ფაკულტეტი დაამთავრა, დაეუფლა ხელოვნებათმცოდნის პროფესიასაც. საქართველოს სახელმწიფო ფილარმონიაში გაიცნო მომავალი მეუღლე რომეო ტატიშვილი. ცეკვის სიყვარულმა შესანიშნავი შემოქმედებითი ტანდემის შექმნას შეუწყო ხელი.

ბავშვთა ქორეოგრაფიულ ანსამბლ „ფერხულს“ ისტორია 1987 წელს თბილისის მეოთხე საშუალო სკოლაში იღებს სათავეს. მოგვიანებით რომეო ტატიშვილი თბილისის 163-ე საშუალო სკოლაში აყალიბებს ქორეოგრაფიულ სტუდიას. ამ ორი სკოლის ბაზაზე შექმნილი სტუდიების აღსაზრდელები ერთ ოჯახად ერთიანდებიან ქორეოგრაფიულ ანსამბლ „ფერხულსში“.

რომეო ტატიშვილი სახელოვანი ქორეოგრაფის თამაზ გოგოტიშვილის აღზრდილთა პირველი თაობის წარმომადგენელია. იგი ცეკვადა ანსამბლ „გორდამში“, მერე სიმღერისა და ცეკვის სახელმწიფო ანსამბლში. მოგვიანებით რომეო ტატიშვილი გადავიდა სახელმწიფო ფილარმონიაში საცენტრადო განყოფილების მსახიობ-მოცეკვავედ, ასევე ცეკვადა ანსამბლ „მეტეხში“.

მას შემოქმედებითი საქმიანობა აკავშირებდა ისეთ ქორეოგრაფებთან, როგორებიც იყვნენ ჯანო ბაგრატიონი, გივი კოჯორაშვილი, ბესიკ სვანიძე...
ქალბატონი ნინო გვიამბობს:



— „სრულიად პატარა გოგონა ვიყავი, როდესაც სკოლაში ქორეოგრაფიულ სტუდიაში სამუშაოდ მივედი. მოსწავლეების მშობლები ჩემზე უფროსები იყვნენ, მაგრამ დრო სწრაფად გავიდა. ბავშვებთან ერთად მეც ვავიზარდე. ახლა ჩემს აღზრდილებს უკვე თავიანთი შვილები მოჰყავთ ჩემთან ანსამბლში, ამიტომაც მათ პატარებს სიყვარულით შვილიშვილებს ვეძახი. თბილისის მე-4 და 163-ე საჯარო სკოლების მოსწავლეთაგან შემდგარმა ქორეოგრაფიულმა ანსამბლმა „ფერხულმა“ შემდგომში ბინა თბილისის მოსწავლე-ახალგაზრდობის ეროვნულ სასახლეში დაიღო.“

ანსამბლში მოხვედრამდე ბავშვები ხუთწლიან სტუდიას ამთავრებენ, სადაც მოსწავლეები ქართული ხალხური ცეკვების გარდა, მესამე კურსიდან გადიან ქართული ცეკვის ისტორიას, ისინი ეცნობიან საქართველოს ყველა კუთხის საცეკვაო ფოლკლორს. ამასთანავე, შეისწავლიან მსოფლიო ხალხთა ცეკვებს, კლასიკას, რომლის სწავლების კურსს სათავეში უდგას ვ. ჭაბუკიანის სახელობის სასწავლებლისა და შოთა რუსთაველის თეატრისა და კინოს უნივერსიტეტის წამყვანი პედაგოგი ტატიანა ბახტაძე.

საბედნიეროდ, ინტერესი ქართული ცეკვის მიმართ იზრდება. დღეს სულ უფრო მეტი ბავშვი გამოთქვამს მისი შესწავლის სურვილს. რაც უფრო მეტ პატარას ჩავუწერავთ ქართული ფოლკლორის სიყვარულს, მით უკეთესია. ეს თითოეული ჩვენგანისთვის დიდი მიღწევა იქნება. ანსამბლის წევრები ერთ დიდ ოჯახად ცხოვრობენ და იმდენად დიდია მათი სიყვარული ქართული ცეკვისადმი, რომ სკოლის დამთავრების შემდეგაც განაგრძობენ ანსამბლში ცეკვას. ჩემი თაობა ნინო რამიშვილისა და ილიკო

ბავშვთა „საქართველოს ქორეოგრაფია“ წარმომადგენელი ქორეოგრაფიულ ანსამბლს „ფერხული“



სუხიშვილის ანსამბლის ცეკვაზე გაიზარდა. თავდაც დაავითარე მათი სტუდია. კარგად მახსოვს, რამდენ ხანს მიმეყვებოდა მათ კონცერტებზე მიღებული შთაბეჭდილებები. ცეკვის სიყვარულიც სწორედ აქედან წამოვიდა.“

სახელმწიფო ანსამბლები ყოველთვის მისაბაძია ბავშვთა ანსამბლებისათვის. „სუხიშვილები“, „ერისონი“, „რუსთავი“, ისინი არ ჰგვანან ერთმანეთს, თითოეულს საკუთარი ხელწერა აქვს. მათ მიუძღვით უდიდესი წვლილი იმაში, რომ ქართული სიმღერა და ცეკვა დღეს ასეთი პოპულარულია.“

პირველ რიგში, საკუთარი ხელოვნება და კულტურა უნდა ვიცოდეთ და გვიყვარდეს. საერთო გლობალიზაციის პირობებში თვითმყოფადობის შენარჩუნება საკმაოდ რთულია, მაგრამ საამაყო და აუცილებელი.“

„ფერხული“ მრავალი საერთაშორისო ფესტივალისა და კონკურსის ლაურეატია. გამართული აქვს ბევრი შემოქმედებითი საღამო, სოლო კონცერტი სახელმწიფო ფილარმონიისა და ოპერის და ბალეტის სახელმწიფო აკადემიური თეატრის სცენებზე. შარშან უდიდესი წარმატებით აღინიშნა ანსამბლის 25 წლის იუბილე. საყოველთაო არეულობის დროს ინტენსიურად ვმუშაობდით, ფეხით მოვდიოდით რეპეტიციებზე, საჩუქრებს ვამზადებდით და საქველმოქმედო კონცერტებს ვატარებდით ობოლი და მზრუნველობას მოკლებული ბავშვებისათვის, მაშინ თითქოს უფრო მობილიზებული ვიყავით.“

„ფერხულმა“ 25 წლის განმავლობაში საგასტროლო მოგზაურობით მოიარა მსოფლიოს უამრავი ქვეყანა: თურქეთი, უნგრეთი, რუმინეთი, ბულგარეთი, გერმანია, დანია, პოლანდია, იტალია, პოლონეთი, საბერძნეთი და ა.შ.
ანსამბლ „ფერხულს“ რეპერტუარი მრავალფეროვანია და მასში შედის საქართველოს ყველა კუთხის ცეკვები: „აჭარული“, „ფერხული ფარცით“, „ფარიკაობა“, „ქართული“, „ყაზბეგური“, „მთიულური“, „აბრაგული“, „ხორუმი“, „სატრფიალო“, „მზამაზაზი“, „ჯეირანი“, „სვანური“, კომპოზიცია „ჯუთა“, „ხონგა“, „ესპანური“, „ბოშური“.

ჩემი აზრით, ცეკვის განვითარების გზების ძიება მუდმივად უნდა მიმდინარეობდეს. საფუძველი უცვლელი, ხელშეუხებელი უნდა დარჩეს, არ შეერიოს სხვა ხალხთა ცეკვების ელემენტები, თორემ ძიება აუცილებელია. როგორც 20-30 წლის წინ ცეკვაავდით ამა თუ იმ ცეკვას, ახლაც ისე ხომ არ ცეკვავთ?! ის, რაც დროს გაუძლებს, მისაღები იქნება მყარებისთვის, ხოლო რაც დროს ვერ გაუძლებს, თავისთავად დაიკარგება, ამაში საკამათოც არაფერია. დრო თავად განსჯის. ფოლკლორი ხელშეუხებელია, მაგრამ სიახლის ელემენტების დამატება ბუნებრივი პროცესია.“

დიდი მადლობა მინდა გადავუხადო იმ ადამიანებს, რომლებსაც უდიდესი წვლილი მიუძღვით ანსამბლის წარმატებაში. განსაკუთრებული მადლიერებით მინდა მოვიხსენიო თბილისის მოსწავლე-ახალგაზრდობის ეროვნული სასახლის დირექტორი, ბატონი გია შალამბერიძე, რომლის დიდი მხარდაჭერის შედეგია ანსამბლისა და სტუდიის წარმატებები.“

ანსამბლ „ფერხულს“ წარმატებაში დიდი წვლილი აქვთ თბილისის მე-4 და 163-ე სკოლების დირექტორებს ხათუნა ქოთოლაშვილსა და ლელა ქინქლაძეს. ისინი ანსამბლ „ფერხული-სადმი“ უდიდეს თანადგომას გამოხატავენ.
ასევე, ანსამბლის წარმატებაში დიდი წვლილი მიუძღვის დამხმარე პედაგოგს ზურაბ ჭრიკიშვილს, მუსიკოსებს ზაზა ბანეთიშვილსა და ზურა გიჯაშვილს. ჩვენ ერთი ოჯახი ვართ, შეძლებისდაგვარად ყველაფერს ვაკეთებთ, რათა ბავშვები ქართული ცეკვის სილამაზეს ვაზიაროთ და თუ პროფესიონალი მოცეკვავეები არა, ქართული ხელოვნების ჭეშმარიტი შემფასებლები მაინც ვავხარდით.“

ნინო ტურიაშვილი და რომეო ტატიშვილი ოცდაათწლიანი მუშაობის შემდეგ დამსახურებული პედაგოგების ტიტულს ატარებენ. ქალბატონი ნინო ათი წლის განმავლობაში მუშაობდა ქალაქ თბილისის განათლების სამმართველოს მოსწავლე ახალგაზრდობის ესთეტიკური აღზრდის ქორეოგრაფიული წრებისა და სტუდიების დიდუბე-ჩუღურეთის რაიონის კოორდინატორად. იგი 2011 წელს მეორე ვადით აირჩიეს თბილისის ქორეოგრაფიის მოღვაწეთა შემოქმედებითი კავშირის თავმჯდომარედ. ამასთან, წელს ქალბატონი ნინო თბილისის მერიამ ქართული კულტურის ამაგდარის მედლითა და საპატიო დიპლომით დააჯილდოვა.

ეუსურვით ანსამბლ „ფერხულს“ წინსვლა და წარმატებები.



საიუზიერო ფოტოგრაფიანა იუზიერის

2011 წლის 20 ოქტომბერს ეროვნული ფოტოკლორის ცენტრის საგამოფენო დარბაზში (დავით აღმაშენებლის გამზირი, №68) გაიხსნა ცნობილი ქართველი ფოტოგრაფისა და ქორეოგრაფის, საქართველოს დამსახურებული არტისტის თენგიზ უთმელიძის ფოტოგამოფენა. აქ წარმოდგენილ ფოტოებზე ასახულია ილიკო სუხიშვილისა და ნინო რამიშვილის ქართული ხალხური ცეკვის სახელმწიფო აკადემიური ანსამბლის გამოსვლები როგორც საქართველოში, ისე საზღვარგარეთ. ყოველთვის სიხარულსა და დიდ გაცემას იწვევდა ამ დიდებული ანსამბლის გამოსვლა, გზიბლავდა მისი თითოეული წევრის ინდივიდუალური, ცეკვის შესრულების მანერა, პროფესიონალიზმი. საგამოფენო დარბაზშიც ასე იყო. აქაც იგივე ემოციები გეუფლება, როცა წარმოდგენილ კადრებს ათვალთვლებ. ბატონი თენგიზ უთმელიძე აქაც პროფესიონალის როლში გვევლინება. გზიბლავს მის მიერ გადაღებული ყოველი ფოტო, მყისიერად დაჭერილი და სამუდამოდ გაჩერებული წამი, დრო-ჟამი. ბატონი თენგიზი უთმელიძის ფოტოგამოფენაში კარგად ჩანს მისი ფოტოგრაფიული ალბომი, გრძობა იმისა, თუ რა დროს „გააჩხაკუნოს“ ფოტოგრაფია. 10000-ზე მეტი სურათი ინახება მის არქივში და ყოველი მათგანი ანსამბლის, მისი უღამაზესი და კეთილმოხილი დამიანების ისტორიაა. სამწუხაროა, რომ საზოგადოების სამსჯავროზე ვერ ხვდება ყველა ეს ფოტო. გამოფენის გახსნისას სიტყვით გამოხატვლებზე აღნიშნეს და ბატონ თენგიზთან საუბარში ჩვენც გამოვთქ-

ვით სურვილი მუდმივმოქმედი გამოფენის შექმნის შესახებ, მაგრამ ეს ჯერ-ჯერობით მხოლოდ სურვილია და მეტი არაფერი. არადა, სუხიშვილების ანსამბლი და ქართული ქორეოგრაფია ნამდვილად იმსახურებს ასეთი გამოფენის და არამარტო გამოფენის არსებობას. იქნებ ცალკე მუზეუმის შექმნაზეც გვეფიქრა, ქორეოგრაფია ხომ საქართველოს ერთგვარი სავიზიტო ბარათია. გავაცნოთ ხალხს „ერისიონი“, „რუსთავი“, „მარტვი“, „მინდია“, „უნივერსიტეტი“, „იბერიელი“, „სიონი“, „ლაშარი“, „ფერხული“ და სხვა მრავალი, ყველას ვერ ჩამოვთვლი.

ეს სამომავლოდ. ახლა კი დაეუბრუნდეთ გამოფენას, რომელიც უკვე ოცდამეხუთედ ეწყობა (პირველი გამოფენა შედგა 2000 წელს და მიეძღვნა ნინო რამიშვილის 90 წლის იუბილეს) და ამჯერად 70 წლის გამოჩენილ ქორეოგრაფს და დიდებულ ადამიანს, ბატონ ფრიდონ სულაბერიძეს ეძღვნება. იმ დღეს ეროვნული ფოტოკლორის ცენტრის საგამოფენო დარბაზში ორი იუბილე აღინიშნებოდა. თუმცა იუბილარმა ფრიდონ სულაბერიძემ სამადლობელ სიტყვაში იხუმრა, მე 24 ოქტომბერს ვიქნები იუბილარო. გამოფენა გახსნა და იუბილარსა და სტუმრებს მიესალმა ეროვნული ფოტოკლორის ცენტრის ხელმძღვანელი გიორგი უშიკიშვილი, გამოფენის ისტორია მოკლედ მიმოიხილა ავტორმა თენგიზ უთმელიძემ, სიტყვით გამოვიდნენ კინოტოტოვნი გოგი დოლიძე, მხატვარი გივი თოიძე, საქართველოს ქორეოგრაფიის მოღვაწეთა შემოქმედებითი კავშირის თავმჯდომარე რეზო ჭანიშვილი, მომღერალი ალექო ხომერიკი, ფო-



ფოტოგამოფენა ეძღვნება ფრიდონ სულაბერიძის დაბადებიდან 70 წლისთავს

ტოგამოფენის გმირები, სუხიშვილების ანსამბლის ცნობილი წევრები ომარ მხეიძე და ნინო კირვალიძე, ფურნალისტი და მწერალი ნანა ნითელაშვილი. სტუმრებს სამადლობელი სიტყვით მიმართა იუბილარმა ფრიდონ სულაბერიძემ.

გამოფენა კიდევ რამდენიმე დღეს გაგრძელდება.

ჩაღამსიონსაგან

მივმართავთ ქორეოგრაფებს, ფურნალისტებს, პედაგოგებს, უბრალოდ ქორეოგრაფიის პრობლემებით დაინტერესებულ პირებს – აქტიურად ითავსებოდით გაზეთის რედაქციასთან, მოგვანოდეთ საინტერესო მასალები. არცერთი თქვენი პუბლიკაცია უყურადღებოდ არ დარჩება.

მილოცვა

თაბაჩ ბოგოტიოშვილი
თბილისის
საქართველო
ფოტოგრაფია

2011 წლის 9 ოქტომბერს, თბილისობის ტრადიციული დღესასწაულის დასკვნით დღეს, თბილისის მერია თბილისის საპატიო მოქალაქის წოდება მიანიჭა ღვაწლმოსილ და დამსახურებულ ადამიანებს. მათ შორისაა ჩვენი კოლეგა, შესანიშნავი მოცეკვე და ქორეოგრაფი, მომავალი თაობის აღმზრდელი, ბატონი თამაზ გოგოტიოშვილი. საქართველოს ქორეოგრაფიის მოღვაწეთა შემოქმედებითი კავშირი გულითადად ულოცავს ბატონ თამაზს ამ უდიდეს საპატიო წოდებას და უსურვებს ჯანმრთელობას, წარმატებებს.

განსორება

ჩვენი გაზეთის წინა ნომერში გამოქვეყნდა სია იმ ცნობილი, გამოჩენილი ადამიანებისა, რომელთა ავტორიტეტი, კეთილგონიერება, ნათელი პატრიოტიზმი და მოქალაქეობრიობა მნიშვნელოვანია ეროვნული კულტურისა და ხელოვნებისათვის სასიკეთო სამსახურში და რომლებიც უცილობლად გვესახებიან საქართველოს ქორეოგრაფიის მოღვაწეთა შემოქმედებითი კავშირის რჩეულ, საპატიო წევრებად. ამ სიაში ჩვენდაუნებურად გაიპარა შევადლომა — გამოჩენილი ცნობილი ქორეოგრაფი, საქართველოს სახალხო არტისტი და ღირსების ორდენის კავალერი, ბატონი გელოდი ფოცხიშვილი, რისთვისაც ვუბოდიშებთ ბატონ გელოდის.

წარმოგიდგენთ

„დაშარდი“



ქართული ხალხური ცეკვის ბავშვთა ქორეოგრაფიულ ანსამბლს „ლაშარი“ დაერქვა 1989 წელს. ანსამბლი 1973 წლიდან არსებობს და საკუთარი მოკრძალებული ისტორია შექმნა და თავისი წვლილი შეიტანა ქართული საბავშვო ქორეოგრაფიის განვითარებაში. მოგესხენებათ, სახელმწიფო ანსამბლებისაგან განსხვავებით, საბავშვო კოლექტივებში თაობათა ცვლა არასტაბილურია, ერთნი ტოვებენ ანსამბლს და მათ ნაცვლად სხვები მოდიან, სცენისათვის თითქმის მოუმზადებლები. სახელმწიფო ანსამბლებიდან კი თუ ვინმე მიდის, მის ადგილს კვლავ პროფესიონალი იკავებს. ეს ვითარება საკმაოდ ურთულეს მდგომარეობას ანსამბლსაც და მის ხელმძღვანელსაც. ლაშარი დღეს სცენაზე დგას და, შეიძლება ითქვას, უძლებს დროის ამგვარ გამოცდებს. ბუნებრივია, ეს ქორეოგრაფი ტარიელ გოგობერიშვილის დამსახურებაა.

— მარტო ჩემი არაო — შენიშნავს ბატონი ტარიელი. — მადლობა მიიღა ვუთხრა ასურეთის საშუალო სკოლისა და ასურეთის კულტურ-



რის სახლის ხელმძღვანელობას, რომელთა თანადგომითა და დახმარებით საშუალება მომეცა პირველი ნაბიჯები გადამედე საბავშვო ქორეოგრაფიაში. ეს იყო დაძაბული მუშაობისა და ღამისთევების დრო (1973-1979 წლები). მე ამ სოფელში დავიბადე და გავიზარდე, აქვე დაიწყო ჩემი შემოქმედებითი მოღვაწეობა. ანსამბლს მაშინ ერქვა „კიდევაც დაიზრდებიან“. მუდმივად გვერდში მედგა ასურეთის კულტურის სახლის სამხატვრო ხელმძღვანელი და რეჟისორი ბა-

ტონი ჩარლი მეტრეველი. მან ბევრი სასიკეთო საქმე გააკეთა. სახელიც მისი მოფიქრებულია. 1979-1984 წლებში ვმუშაობდი თბილისის მე-12 საშუალო სკოლაში. აქ ანსამბლს „შევადრინი“ დაერქვა. ეს ის წლებია, როდესაც ქართულ საბავშვო ქორეოგრაფიას განსაკუთრებული ყურადღება ექცეოდა. ტარდებოდა სასკოლო, სარაიონო, საქალაქო, რესპუბლიკური ოლიმპიადები. სკოლის დირექტორებს ავალებდნენ ანსამბლების შექმნას და ამ ღონისძიებებში მო-

ნაწილეობის მიღებას. ბუნებრივია, ჩემი ანსამბლიც ჩართული იყო ამ პროცესებში და წარმატებაც გვექონდა. არაერთი მედალი და სიგელი ინახება ანსამბლის არქივში. ვმონაწილეობდით სატელევიზიო კონკურსებში და გადაცემებში, რომლებსაც ორგანიზებას უწევდა ბატონი დავით ნულუკიძე. ამ პერიოდში ანსამბლმა საზღვარგარეთაც იმოგზაურა, კონცერტები გაემართეთ და ტაშს გვიკრავდნენ ბალტიისპირეთში, პოლონეთში, წარმატებით გამოვედით მოსკოვში, რუსეთის სხვა ქალაქებში. 1984-88 წლებში თბილისის 154-ე საშუალო სკოლის სტუდიის ბაზაზე ანსამბლს „მთიები“ ეწოდა. 1988 წელს ანსამბლმა კიდევ ერთხელ შეიცვალა სახელი და „იბერია“ დაერქვა. მაშინ წითელი ჯვრის საზოგადოებასთან ვთანამშრომლობდით. 1989 წელს საქართველოს ფურნალისტთა კავშირის ინიციატივით კვლავ 154-ე სკოლის ბაზაზე ანსამბლს „ლარი“ დაერქვა. 1994-2002 წლებში „ლაშარი“ ეკუთვნოდა თბილისის ვაგონშემკეთებელი ქარხნის კულტურისა და ტექნიკის სასახლეს. 2000-2004 წლებში „ლაშარი“ ფუნქციონირებს 112-ე საშუალო სკოლასთან. 2004 წლიდან „ლაშარს“ აქვს საკუთარი შენობა. „ლაშარმა“ წლების განმავლობაში არაერთ კონკურსსა და ფესტივალში მიიღო მონაწილეობა და გაიმარჯვა, იმოგზაურა და ქართული ცეკვის სიბზნავი აზიარა მაცურებელი მოსკოვში, ლენინგრადში, კიევში, კომინოვში, ვილნიუსში, ერევანში... გავმართეთ რამდენიმე სოლო კონცერტი დიდი საკონცერტო დარბაზისა და ოპერისა და ბალეტის სცენებზე. კონცერტებით მოვიარეთ თითქმის მთელი ევროპა: პოლონეთი, თურქეთი, რუმინეთი, საფრანგეთი, იტალია...

„ლაშარი“ განაგრძობს ტრიუმფალურ სვლას. წარმატებები ვუსურვოთ მომავალ ვარსკვლავებს და მათ ერთვულ ხელმძღვანელს, ბატონ ტარიელ გოგობერიშვილს.



საქართველოს
ქორეოგრაფია
მის.: თბილისი,
დავით აღმაშენებლის
ბაგ8. №180

სარედაქციო **საბჭო:** რეზო ჭანიშვილი; ოლეგ ალაფიძე; რევაზ ბალანჩივაძე; უჩა დვალისხილი; ზაურ ლაზიშვილი; ნინო მდევაძე; ბესიკ სვანიძე; თენგიზ უთმელიძე.

საავტორო უფლებები დაცულია, მასალების გადაბეჭდვა რედაქციასთან შეუთანხმებლად დაუშვებელია, ავტორთა აზრი შესაძლოა არ ემთხვეოდეს რედაქციისას. ავტორები თავად აგებენ პასუხს ფაქტების, ციფრებისა თუ ციტატების სიზუსტეზე. მასალებს ხუთ ნაბეჭდ თაბაზე მეტს ნუ შემოგვტავაზებთ. შენოსული მასალები ავტორებს უკან არ უბრუნდება.

ნომრის რედაქტორი
აზირან ბუთურიშვილი
ტელ: 2 45 49 02;
2 15 50 14;
5 99 55 15 84.